

全乘車至智利京都代辦公使歐陽庚。醫生鄔八。及梁盛先生各偕其夫人。及顏麗山(商會長)鄧香泉(分部長)參贊潘保藩。學生張衍南等多人到站歡迎。是夕梁盛在其府上設宴招待。十二號中華商會公宴。十三號國民黨茶會。十四十五鄔八醫生分日請中西相陪。并首捐一千一百美金提倡。代使各僑胞亦均踴躍集至千元。統計智利全國華僑不過一千七百餘。除意基忌及晏道化。尙有大商店數間。其餘均小伙食。及牛肉店。乃爲農大捐款竟達二萬二千餘美金。智利銀已至二十萬元餘矣。且皆即收即匯。十七號鍾先生已辦清手續。經往阿真庭國去矣。

華僑歡迎鍾榮光先生之盛況

(亞利架訪函)廣州嶺南農科大學籌款專員鍾榮

光先生。昨十一月十六日由意忌基開抵亞厘架。同行者有意埠僑商黃君棣榮。船抵岸時由中華商會國民黨辦事處代表吳寅阮成根等迎入維牙喇大旅館小憩。隨即同往拜探各社團商店。下午二時中華商會開會歡迎。華僑到會者座爲之滿。鍾先生演說約一點半鐘。將農大與中國之關係。及此次到來之目的。源源本本。發揮無遺。至四打鐘。始由主席宣布散會。是晚七時華僑在中華商會公議鍾先生。觥籌交錯。談笑風生。宴畢已九時許矣。十時鐘先生將携來各影片在會影演。隨演隨加以說明。由黃棣榮君轉譯西語。在座西人。無不嘖嘖贊許。影畢遂開捐。當堂認捐者甚衆。次日入亞沙罷各田寮。又次日入登拿。兩處僑胞均甚熱誠捐助。

由登拿返埠後。再在中華商會演開影片。十時就國民黨辦事處歡迎會。黨員僑胞到者百數十人。主席宣佈開會理由。書記讀歡迎詞後。鍾先生起立演說。大旨係勸勉各黨員與僑界合作。演畢鼓掌之聲不絕。時已十一點餘鐘。遂茶會而散。十九日鍾先生附輪往晏埠。華僑多人同送至輪船。始握手揚巾而別。



捐助農大之成績

旅打喇百嘉省華僑捐助農大甚為踴躍。現捐款手續業已結束。計意基忌及碩山各埠。共籌得美金一萬二千餘元。登拿亞厘架等處。共籌得美金九百元。各捐款已於前日由榮昌泰號彙滙香港廣東銀行交該大學董事局司庫李煜堂先生收領矣。